





17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45

8169  
:5







隸釋卷第八

衛尉衡方碑

冀州從事張表碑

金鄉長侯成碑

孝廉柳敏碑

淳于長夏承碑

郎中馬江碑

慎令劉脩碑

博陵太守孔彪碑

并陰

衛尉衡方碑

府君諱方字興祖肇先蓋堯之苗本姓缺二則有伊

尹左殷之世號稱阿衡回而氏焉字缺三土家于平陸

君之烈祖少呂濡術安貧樂道履諛顏原兼滑季由

聞斯行諸缺四仁癘字土階夷愍之貢經常伯之寶

位左馮翊先帝所尊垂名竹帛孝癘江太守冗癘門

大守缺三孝長發其祥誕降于君天資純懿昭前之

美少吕文塞敷龐允元長吕欽明耽詩悅書缺三秋

仕郡辟州舉孝廉除郎中即上庶相膠東令遵尹鐸

之道保鄆二城按斑叙字本肇末化速却

圍州舉尤異遷會稽東部都尉將繼南仲邵庸之軌

飛翼軫之旌操字綏來王之變會喪太夫人感

背人之凱風悼慕儀之劬勞寤闇苦凶缺上言倍

榮向哀扎服祥除徵拜議郎右北平大守尋李廣之

左邊恢魏絳之和戎戎戢土供費省巨億懷缺四靜

有績遷潁川大守脩清滌信招拔隱逸光大茅茹國

外浮謏淡界縲動氣泄狂字歸來洙泗用行舍感

徵拜議郎遷大醫令京北尹舊都餘化詩人所詠並

有亡新君字隆寬慄鷄火光物隕霜剗姦振滯起

舊存亾繼絕恩降乾本威肅剝川本朝錄功入登濡

字翼忒官夙夜惟寅禕隋在公有單襄穆英謨之

風詔選賢良招先逸民君務在缺共順其文舉已從

政者退就勅巾永康之末君衛孝桓建寧初政朝用  
舊臣苗拜步兵校尉處六師之帥維時儼階將授緄  
職受任決旬庵離寤疾年六十有三建寧元年二月  
五日癸丑卒詔遣使字缺二弔賻禮百匱臨會莫不共  
聲其辛九月十七日辛酉至蓋雅頌興而清廟肅中  
庸起而祖宗缺故仲尼既歿諸子綴論斯干佗歌用  
昭于宣誦呂旌德銘呂勒勲於是海內門生故吏三缺  
采嘉石樹靈碑鐫茂伐秘將來其辭曰

峨峨我君懿烈孔純高朗神武歷世忠孝馮隆鴻軌  
不忝前人寬猛不主德義是經韜綜頤溫故前呈

撫英接秀踵迹晏平初據百里顯顯令聞濟康下民

曜武南會邊民是鎮惟字缺三憂及退身叅議帝室剖

符守藩北靖字缺二有缺有聲旋守中獄幽滯呂榮邁

種舊京字缺四含澤戴仁字缺六汝寧剋長剋君不虞不

陽維明維允耀此聲香能懋能惠剋亮天功入統字缺二

字剋剋光光法言稽古道而後行兢兢業業素絲羔

羊閭閻侃侃顯顯昂昂何規履槩金玉其相蹇蹇王

臣羣公憲章樂旨君子字缺二无彊銘勒金石字缺五問

缺二萬世是傳門生平原樂陵朱登字仲

右漢故衛尉卿衡府君之碑隸額建寧元年立趙氏誤以為三年衡君名方歷郎中即止侯相膠東令會稽東部都尉召拜議郎為右北平潁川兩太守丹除議郎遷大醫令京兆尹碑有本朝錄功入登衛七字衛下缺文必尉字也又云永康之末君衛孝威建寧初改朝用舊臣留拜步兵校尉蓋靈帝初立更易朝士自九卿而作五校殆是左遷故碑首舉其尊者稱之碑云海內門生故吏采嘉石

鐫靈碑末有小字門生朱登題名則其人也銘文甚溫潤如云鶉火光物墮霜剗姦尋李廣之在邊恢魏絳之和戎唐人誌墓多用此體雖柳子厚少作亦然履該顏原謂顏子原憲也禕隋即委蛇出韓詩內傳碑以濡為儒倍為背淡為痰緄為袞庵為奄太即太字廬江鴈門皆从疒

冀州從事張表碑

君諱表字元異系帝高辛爰暨后稷張仲孝友雅鑿云彼載天挺苗侯應期佐治與漢龍興誕發神謀君其涓也鬱烈純德繼踵相承于來我君亦邦之雄兼才

伯知高朗令蠲該覽羣緯靡不究窮初仕郡為督郵  
 鷹撤霆擊威德日隆糾剔荷忒抵拂頑詢屬城祗肅  
 千里折中入為主簿舍謨吐忠委蛇公門蹇蹇匪躬  
 將美匡醜對颺休光歷丕官掾功曹山缺時行貢真  
 紕偽過漸防萌后減其勛俾守犁陽正身帥下神化  
 缺通方伯術職嘉君義綱旌命勛任北國用寧遂播  
 芳譽有馥其馨當陟台階注紀王庭穎渠未合實命  
 不同度時否泰監桓利貞缺歸斯服舍之則藏漫攸  
 陶父怡志岳陽恬靜湛泊匪惶時榮春秋六十四以

建寧元年三月癸巳薨疾而終其季十有一月丙寅

克葬僉以為洪德宜演述億載彌以新功烈不讚紀  
 後來無所聞於是刊石勒銘以示後昆其辭曰

吟穆君兮煥流芳聞洪軌兮休烈彰令德攸兮宣重  
 光仕郡州兮迪民康宜重臣兮為棟梁旻不泐兮降  
 淪霜凋芝華子穢彥良伊喆人兮壽不將世雖短兮  
 名悠長位雖少兮功悠揚伐松柏兮構斯堂鏤金石  
 兮實不亡萬子孫兮永烝嘗

右故冀州從事張君之碑篆額在冀州張君名表

靈帝建寧元年卒此碑皆作四言韻語其末四句  
又五言云洪德宜演述億載彌以新功烈不讚紀  
後來無所聞與費鳳碑文辭相類碑云張仲孝友  
雅藝攸載者指詩為雅藝也后臧其勛俾守犁陽  
者帝美其功使官于冀也犁陽讀為黎陽歐陽公  
謂鷹撮靈擊是以狗喻人擊上一字石損其半予  
初刻此碑失於深考徐而察之乃鷹撮靈擊非靈  
擊也郭仲奇為司隸從事碑云鷹侍電擊意与此  
同碑以荷為苛詢為匈蝠即融字忒即忒字漫即退字攸即脩字億即億字

金鄉長侯成碑

君諱成字伯盛山陽防東人也其先出自豳岐周文  
之後封于鄭鄭共仲賜氏曰侯厥涓宣多呂功佐國  
要盟齊魯嘉會自邠曰呂為家焉漢之興也侯公納  
英濟大上皇於鴻溝之阨謚曰安國君曾孫圃封明  
統侯光武中興玄孫霸為臨淮太守擁兵逆光武平  
定天下轉拜執法右刺姦王威司命大司徒公封於  
陵侯枝葉繁茂或家河洧或邑山濟君則上黨太守  
之弟弟履慈孝之德長執忠憲之操治春秋經博綜



書傳呂典籍教授滋滋履真安貧樂道忽於時榮敬  
上接下溫故知新翹節建志冠于羣倫孝友內著仁  
義外宣郡請署主簿督邾區官掾功曹守金鄉長即  
家假印綬君介心如石不易其志刺史嘉其高名辟  
部東平泰山治中從事君叡精謙虛委蛇衡門呂禮  
盤桓名德可尊行顯身隱縣輿養神聖人制命曰仁  
常存今胡不然喪此國偉君年八十一建寧二年歲  
在己酉四月二日癸酉遭疾而卒嗚呼哀哉於是遐  
邇士士仁祁祁來庭集會如雲號哭發哀泣涕汎蘭  
將去白日歸彼玄陰同盟必至縞素填街存有顯名  
終有遺勲魂如有靈嘉斯寵榮於是儒林衆僂惟想  
邢景乃樹立銘石呂揚洲美其辭曰

於穆君德姿履正平乾皇所挺應符如生耽藝樂術  
恬忽世榮虛位禮請不然不傾壽非南山不俟河清  
梁木圯頽鴻儀催零昆嗣切剝哀慟感情乃銘乃勒  
億載永寧

夫人呂延熹七丰歲在甲辰十一月三日庚午遭症

終

右漢故金鄉守長侯君之碑隸額侯君名成山陽人守金鄉長以靈帝建寧二年卒碑云侯公濟太上皇於鴻溝謚曰安國君光武中興霸為臨淮太守從定天下拜執法右刺姦五威司命大司徒封於陵侯按高帝紀侯公歸太公封為平國君非謚安國也侯霸傳云五威司命陳崇舉霸德行遷隨宰丹遷執法刺姦后為淮平大尹淮平即臨淮也王莽傳置執法刺姦選侯霸等分督六尉如漢刺史謂霸嘗作五威司命及執法臨淮在光武時皆

非也丞相封侯自平津始光武以功臣未封故霸但侯關內既薨方追封則鄉其子昱徙封於陵爾謂霸封於陵又非也所貴乎石刻以其可以考正史傳之失今此碑與史不同者四蓋所引鼻祖前朝之事非聞見所接故也西漢表平帝封侯輔為明統侯此以輔為輔未知孰是

孝廉柳敏碑

碑以滋滋為孳孳形為形催為推

故孝廉柳君諱敏字愚卿其先蓋五行星仲廿八舍柳宿之精也放像為用縣設為道 缺 商家而禪 缺 三

而主或間生柳惠國大夫而深信稱焉君父以孝廉

除郎中缺部府丞君追祖繼體歷職五官功曹守宕

渠令本初元奉太守蜀郡缺君復察舉君缺命共奉

君清節儉約厲風子孫固窮守陋不缺三堂無文麗

墓無碑識建寧元奉縣長同歲捷為屬國趙臺公憤

然念素帛之義其二年十月甲子為君立碑傳于萬

基曰勒銘歎之厥辭曰

惟斯柳君天憤鯁缺龍祖缺風行無遺闕授政股肱

諫爭匡弼奮威外梱屬城震栗宰守伯煩垂名所立

表貢王庭望極爵位何辜穹倉官寵不遂予惟三六

庶昔延季建豎斯碑傳于萬世子孫繁昌永不泯滅

嗚呼懷哉嗚呼懷哉

辭曰山陵玄室缺斯邦兮先人滄質尚約清兮汶飭

不離隕霞滅兮季子信舊齋樹松兮倚俗追歿激缺

揚兮亾而像存梁嘉靈兮宗子于集啗其鳴兮四祀

烝嘗不廢荒子

右孝廉柳君碑今在蜀中柳君名敏歷五官功曹

宕渠令碑以孝廉稱之重其行也其父亦因孝廉

除郎中碑字雖有漫滅考其文意蓋柳君以本初  
 元年再為郡守所舉不幸而死后二十三年縣令  
 趙臺念其墓无碑識故為立石時靈帝建寧二年  
 也碑云敏之先迺二十八舍柳宿之精頗類張姓  
 連天之說不典孰甚焉碑以星仲為星中萬基為  
 萬基荒即荒字漫即漫字  
 淳方長夏承碑

君諱承字倬充東萊府君之孫大尉掾之屯子右屯  
 郎將弟也累葉牧守印紱典據十有餘人皆德任其  
 位名豐其屬是故寵祿傳焉歷世帶薰著焉丞室君  
 鍾其美受性淵懿舍和履仁治詩尚書兼覽羣藝靡  
 不尋暢州郡更請屈已匡君為主薄督郵五官掾功  
 暫上計掾守令異州從事所在執憲彈繩糾枉忠絜  
 清肅進退以禮允道駕凌先人後已克讓有終察孝  
 不行大傅胡公歆其德美旌招俯就羔羊在公四府  
 歸高除淳方長到官正席流恩衰藟糾姦示惡旬月  
 化行風俗改易輜軒六纒飛躍臨津不日則月皓天  
 不吊載此良人季又十有六建寧三年六月癸巳淹  
 疾卒官嗚呼痛哉臣隸辟踊悲動左右百姓號咷若

喪考妣咳孤憤泣忉怛傷摧勒銘金石惟以告哀其  
辭曰

於穆皇祖天挺應期佐時理物紹縱先軌積德勤約  
燕考孫子君之羣感並時繁祉明明君德令問不已  
高山景行慕前賢劉庶同如蘭意願未止中遭冤友  
不終其紀夙世實祉早喪懿寶抱器幽潛永歸萬里  
痛矣如之行路感動黨魂有靈烝後不朽

右漢北海淳于長夏君碑篆額元祐中洺州治河  
堤始得之夏君名承仕郎為主簿督郵至冀州從

事四府舉辟除淳于長靈帝建寧三年卒此碑字  
體頗奇恠唐人蓋所祖述漢字有八分有隸其學  
中絕不可分別梁庾元威作書論載隸有十餘種  
曰芝英隸花草隸幡信隸鍾鼎隸龍虎隸鳳魚隸  
麒麟隸仙人隸科斗隸雲隸蟲隸龜隸鸞隸此碑  
蓋其間之一體郭仲奇碑云有山甫之縱又云激  
縱顯魯峻碑云比縱豹產趙圍令碑云羨其縱高  
外黃碑云莫与比縱此碑本紹縱先軌皆以縱為  
縱蕭何傳發縱指示獸處顏師古注云書本皆不

為蹤字讀者乃為蹤跡之蹤非也據此數碑則漢人固多借用顏氏之注殆未然也碑以薰為勳淹為奄咳為孩感

為戚黨為儻帶即策字  
還即退字總即繼字

郎中馬江碑

君諱江字元海者濟陰乘氏人

字缺三

之長孫湯官丞

之元子其先帝顓頊醫羸之後世在趙國以功封趙

賜號馬服曰遂氏焉暨于君身乾靈特挺岐嶷有度

玄然清妙長有令稱通韓詩經贊業聖典左書右琴

明於光上之術顯於君臣之道郡將平原高君深昭

其德以和平元年舉孝廉除郎中謙虛接下冠名三

署昊天不缺遭離缺癘年卅元嘉三年正下失貞幹

仕喪儀宗於盟軌遠醜縞素來赴慘痛號咷者不

可勝數矣夫人寬句曹氏終溫澍慎咸曰女師年五

十五建寧三年十二月卒君中弟字文緒位主簿督

郵志行缺期落落自有大節年廿二早世短折故瑩

迫芒地告斯士先君之庚地缺處還敞缺五神東看

祖禰西瞻舊廬皇神仿佛爰缺居乃缺碑銘勒

厥勲其辭曰

鑠鴻德赫舍光缺天爵衛紫缺聲缺著于周京棟桷

存其人字缺五歲顧几延悽衷傷嗟詩云感凱風歎

寒泉惟梓缺榮缺靈缺期字缺四裔永克昌歿不朽久彌

章

右漢故郎中馬君之碑篆額馬君名江威宗和平

元平為郡將高君所薦入補執戟之列元嘉三年

卒郎位无可紀之事惟載其全寮醜類縞素遠來

之眾尔此碑字體古拙而行間踈密不等其間載

建寧三年夫人曹氏卒盖相公十七年矣又載其

弟文緒年三十二早世當是因夫人卜兆以馬君

共塋又同岢改厝其季故作碑併言之石有断缺

不能詳攷其云東看祖禰西瞻舊廬可見其瘞以

昭穆也

碑中仕喪儀宗仕讀為士適醜即寮醜仿佛讀為髡髹

慎令劉脩碑

君諱脩字伯麟缺十履和而至少罹艱苦身

服田晦動乎儉中缺七弟克諳其於鄉黨遜遜

如也卑謙博愛怒已接人字缺六政事君則安上竭節

不求聲譽故為五福所歸流神明所字缺三時兄弟竝

興于城子孫盈門克昌堂構非至德淳粹其孰能與  
缺斯舉孝廉除郎中召將事去官辟從事司徒掾典  
掌邊事遷慎令行縣為之政崇澹泊召惠利素苦風  
痺到官晷月見臣吏勅兒子人命嘯吸不欲煩擾吏  
民欲生見舊土歸終於家百姓追逐扣馬攢輪遂不  
復還年六十七建寧四年五月甲戌卒二弟龍純孿  
哀孔懷孤生儁協郤長孺恩慕立此碑銘召表景行  
其辭曰

於惟君德忠孝正直至行通洞高明采克鬼神富謙  
受茲奈福知命不延引輿旋歸忽然輕舉志曠拔葵  
人皆有止貴終譽兮歿而不朽豈名著兮

右漢故慎令劉君墓碑隸額在應天府下邑縣劉  
君名脩以孝廉為郎終於南邑靈帝建寧之四年  
也劉君不欲以后事煩擾吏民且欲生見舊土遂  
解印去官可謂知命履道者矣漢碑多門生故事  
為之此則其二弟二子所立古之經籍未有雕刻  
之本學者各習其師故其文不一左氏春秋小戴  
禮荀孟諸子班馬二史所引詩書多與今文不同



漢末有私行金貨定蘭臺泰書經字以合其私文者故靈帝詔諸儒正定羣經刊於石碑使天下取則焉所存遺刻復與今之經傳文異而句別此碑云鄉黨遜遜如也祝睦碑則云鄉黨遂遂皆與論語異而二者又自不一蓋其師說然也此碑又有動乎儉中鬼神富謙亦與今之易不類

泰即介字淳即淳字

博陵太守孔彪碑

君諱彪字元上孔子十九世之孫潁川君之元子也君少履天姿自然之正帥禮不爽好惡不虧考衷度衷脩身踐言龍德而學不至於穀浮游塵埃之外矚焉汜而不俗郡將嘉其所履前後聘召蓋不得已乃翻爾束帶弘論窮理直道事人仁必有勇可以託六授命如毛諾則不宿美之至也莫不歸服舉孝廉除郎中博昌長疾病留宿缺遷京府丞未出京師遭大君憂泣踰臯魚喪過乎哀謹畏舊章服竟還署試拜尚書侍郎無偏無黨遵王之素蒙可黜缺否出缺度日恪位佇所在衽肅拜治書御史膺臯陶之廉恕

缺二 參之 缺五 津祗用既平 缺 博陵太守郡阻山 缺

字以饑饉斯多草竊固不缺賊劉寧張丙等白日攻

剽坐家不命君下車之初缺五教以博缺削四凶以

勝殘乃缺爰尚桓桓拊馬缺害醜類已殫路不拾

遺斯民以安發蹠施憲每合天心缺之所惡不以強

人義之所欲不以缺姓樂政而歸于德望如父母

順如流水遷下邳相河東太守舉此缺君子風也

未怒而懼不令而從雲行雨施缺大和海內歸公

卿之任矣勞而不伐有實若虛固執謙需以病辭官

去位缺以孝竭缺餘暇諱諛彈琴擊磬缺之味

而不改其靜上帝棐謀天秩未究將據師輔之紀缺

細缺疾彌流乃碩乃缺廿九建寧四年七月辛未

字缺哀哉魂神超邁缺冥冥遺孤切絕于嗟想形

字缺哀遠念不欲生羣臣號咷靡所復逞夫逝往不

可追兮功缺識惟君之軌迹兮如列宿之錯置易

建八卦揆脊缺辭述而不佞彭祖賦詩皆讚所見于

時頌缺是缺史崔缺王沛等伏信好古敢詠顯

缺乃刊斯石欽銘洪基昭示後昆申錫鑒思其辭曰

穆穆我君大聖之胄惇懿允元敬其立秀惟鬱降精

誕生忠良奉應郡貢亮被我缺克明王道辯物居方

周缺四也字名朝無秕政直哉惟清出統華夏化以

蕪成缺猾殛逆賢倚缺庭帝重乃劬自缺二証所臨

如神缺六之翰先民是程宜乎三事金鉉利貞而絜

白駒俾世憤惻當享眉耆莫匪爾極大缺三邈矣不

意于嗟悲兮缺三息溥溥庶幾復為所力咨乎不朽

沒而德存伊尹之休格于皇天惟我君績表于丹青

永永無沂與日月并于嗟缺二于以慰靈

碑陰

故吏司徒掾博陵安平崔烈字威考故吏齊缺博陵

安平崔恢字行孫故吏棄氏令博陵安平王沛字公

豫故吏司空掾博陵安國劉息字伯栢故吏外黃令

博陵安國劉楊字子長故吏白馬尉博陵齊智字子

周故吏五官掾博陵安平劉麟字劣公故吏五官掾

博陵安平王瑤字顯祖故吏五官掾博陵安平孟循

字敬節故吏五官掾博陵高陽史應字子聲故吏五

官掾博陵南深澤程祺字伯友故吏五官掾博陵南

深澤程祉字元祐故吏五官掾博陵安國劉機字缺

閣

石漢故博陵太守孔府君碑篆額孔君名彪歷郎

中博昌長京府丞京上缺字尚書侍郎治書御史博陵

守下邳相河東守以靈帝建寧四年卒趙氏云孔

君自博陵丹遷河東而碑額題博陵莫曉其何謂

予觀漢人題碑固有用前官如馮緄魯峻者俱自

有說此碑陰有故吏十三人皆博陵之人也蓋其

函甘棠之惠痛夏屋之傾相与刊立碑表故以本



郡題其首也此碑作文多用經傳語考中度衷周

調有之可以託六歌後甚矣史漢書宿留讀皆去

聲郭林宗齋刺就謁仇覽請其留宿与此疾病留

宿同碑以音為文沂為涯蘆即薦字旁即寂字美


漫字澤大奚切切徒与而切



隸釋卷第八

隸釋

卷第八



隸釋卷第九

北軍中候郭仲奇碑

故民吳仲山碑

司隸校尉魯峻碑

廣漢屬國侯李翊碑

玄儒先生婁壽碑

繁陽令楊君碑

堂邑令費鳳碑

費鳳別碑

北軍中候郭仲奇碑

君諱缺字仲奇元城君之第四子其先蓋周之冑緒

虞郭建國享土受胙政衰道失晉克其邦遭癘項之

際高祖初起運天符命序秦擿楚遂定漢基枝葉雲

帝列於國郡或顯川馮翊公卿校尉將相州郡令問  
 休貴自東郡衛國家乎河內彼亦世載德以臻于君  
 君惠兄竹邑侯相次尚書侍郎次濟北相順弟臨沂  
 長次徐州刺史次中山相次雒陽令咸以孝廉公府  
 茂選貞亮皦白翼翼瑛彦配周之八為國楨幹君劣  
 有岐嶷天然之資長有明肅弘雅之操剛毅多略有  
 凶甫之縱沈懿敦篤為萬夫之望缺為郡五官掾功  
 曹司隸中都官從事肅視眈眈鷹侍電轂貴懋肅承  
 莫不畏憚三辟將軍府徵書祭祭貞亮直方蹇蹇術  
 術忠信可結義然後諫舉廉比陽長五教加仁施於  
 惠康焉于之武以抑於疆改邑移風遺愛不忘聞兄  
 疾病率爾逝將滾職有闕賴君缺匡復辟司徒拜軍  
 中候當授缺城萬里膺揚念妨弟路遜位恬榮脩黃  
 老之術謙守足之讓祿有不究命有短長缺臨孔明  
 殘隕貞良卒被氛氣掩忽沮亡年六十有六建寧四  
 年九月丙子卒又年三缺四缺孝孤切乎悲慟剝裂行  
 路泣血辟踊傷絕凡百君子靡不哀惻喪國之鎮朝  
 共模式缺二缺與乎位未副德刊石甄表以昭罔極其

素

卷第九

七

辭曰

鑠明德躋郭君外忠絜內資親烈桓桓煥有文所臨

字缺三

風崇和陸崇以仁赫斯發威若神動規矩禮義

導激縱顯功加民感兄疾電捐官妙字缺三海聞亮矣

清寘匹倫爵不副命乖分土字七歎歎惜增歎孝流涕

癯傷肝魂靈飭號有榮字缺四永存勒金石示後昆

右漢故北軍中候郭君碑篆額郭君字仲奇嘗為

司隸中都官從事辟將軍府宰比陽建寧四年卒

碑書其官無北字郭究碑但稱為軍中若與額殊

按祝睦嘗為北軍中候而其後碑書云北軍軍中

候則知此亦省文爾郭君間兄之疾則捐官恐妨

其弟而辭位故有惠兄順弟之目而歷載之棣華

蓋可想也碑以縱為縱掩為奄陸為睦憾即感字借作威辨雲慟矩歎即羸雲慟矩歎字

故民吳仲山碑

熹平元年十二月上旬吳公仲山少立名迹約身剛

已節度無隻不貪吐進隱匿世間府縣請召未曾闕

城守鮮貧苦不豫煥榮兄弟三人居其中央事長接

券出入教詳元少不幸棄世早亡乾以蓋載八十有

長丰壽未究而遭禍央子孫飲泣呼招不能還與古  
 疆尔感瘳奈何、惟公德美布惠州里遠近假求不  
 言無有春秋聞貸字給與無已不送人意率道此理  
 市遊佑渠餘食空手收禮遺孤皆置門裏先亡為壑  
 劣弱娶婦尚恩者無貶不能悲嗟效效新社里其恩  
 捐施豈誰照矣公甫有三息遺孤二庄無介少德父  
 有余財東西南北不能起樓高殿懿觀采色宗諸遊  
 逅連有不得兼官微傍象衣乃大孤慙亡父息壓風  
 夜如有空馱務邵蔡盖裨零有知水祖挺夏焉焉矣  
 矣子孫萬歲

右漢故民吳公碑隸額宣和中知鄆陵縣穆延年  
 得之于民間碑无其名仲山其字也靈帝熹平元  
 年立漢之仕者沒有遺愛其州縣之民為之采石  
 鏡銘則自稱曰故民吳公匿迹韜光不荅聘召作  
 碑者辭其謙晦之操故以民稱之所謂故民者物  
 故之民也其字畫譎怪兼有篆筆息者人知其為

憂疆者若彌非彌若疆非疆盖其甚異者碑以禍

殃河為何禱為瞻零為靈闕即窺字矣  
 即弃字此即以字遊即庭字



司隸校尉魯峻碑

君諱峻字仲巖山陽昌邑人其先周文公之碩胄二缺

字伯禽之懿緒以載于祖考之銘也君則臨營謁者

之孫脩武令之子體純辭之德秉仁義之操治魯詩

兼通顏氏春秋博覽羣書無物不稟學為便宗行為

士表漢缺始佐佐職牧守敬恪恭儉州里歸稱舉孝

廉除郎中謁者河內大守丞喪父如禮辟司徒府舉

高第侍御史東郡頃正令視事四年比縱豹產化行

如流遷九江大守缺殘酷之刑行循吏之道統政缺

載歟若清風有黃霸召信臣在穎南之歌曰公事去

官休神家術未能一暮為司空王暢所舉徵拜議郎

太尉長史御史中丞延熹七年二月丁卯拜司隸校

尉董智京輦掌察羣寮調絢舉大權然疏發不為小

威已濟其仁弼中獨斷已效其節案奏缺公彈紕五

卿等夏祗肅佞穢者遠遭母憂自乞拜議郎服竟還

拜屯騎校尉已病遜位守疏廣止足之計樂於陵灌

園之契閉門靜居珥書自娛年六十一熹平元年缺

月癸酉卒明年四月庚子葬於是門生汝南干缺沛

國丁直魏郡馬萌勃海呂圖任城吳盛陳苗誠屯東  
 郡夏侯弘等三百廿人追惟在昔游夏之徒佗謚宣  
 尼君事帝則忠臨民則惠乃昭告神明謚君曰忠惠  
 父息叡不才弱冠而孤承堂弗構斯薪弗何悲黎叢  
 之不報痛昊天之靡嘉頓企有紀能不嘯蒼刊石叙  
 哀其銘曰

巖巖山岳礪落彰較崇崇忠惠令德孔爍命缺時生  
 雅度弘綽允文允武厥姿烈遵內懷溫潤外撮強慮

督司真師翬然清邈當缺緄職為國之權匪究南山

遐邇惻惻凡百君子欽謚嘉樂永傳耆齡喚矣的

右漢故司隸校尉忠惠父魯君碑隸額在濟州任

城縣魯君名峻歷郎中謁者河內丞侍御史頓邱

令九江守議郎太尉長史御史中丞司隸校尉遭

母憂自乞拜議郎服竟還拜屯騎校尉靈帝熹平

元年卒明年葬門生丁直等三百二十人謚之曰

忠惠其子叡立石作銘水經亦載此碑但悞以爲

名恭爾歐陽公云峻遭母憂自乞拜議郎又最后

爲屯騎而碑首題以司隸二者莫曉予嘗攷漢代

風俗相承雖丁私難亦多以日易月鮮有執喪三年者故元初詔書始聽大臣二千石行三年喪至建光元年復禁不許李翊去官二交故銘文頌其考憂釋紼皆則有居憂不釋紼者矣肅宗時越騎校尉栢郁以母憂乞身詔公卿議皆以郁身為名儒學者之宗可許之詔聽以待中行服后其子焉為太子大傅以母憂自乞聽以大夫行喪二公纏陟屺之痛皆避剝就閑與魯君以議郎行喪全漢人所書碑誌或以所重之官揭之司隸權尊而秩

清非列校可以亦猶馮緄捨廷尉而用車騎也周官注云義儀二字古皆音俄詩以實惟我儀協在彼中河樂且有儀叶在彼中阿太元亦以各遵其儀叶不偏不頗左傳音蛾析作蟻徐廣音儀舡作俄漢碑凡蓼莪皆作慕儀此碑又作慕莪銘詩煥矣灼灼俱易火以日令德孔鑠又復从女若堂堂作崇崇則它碑亦有之

碑以柔為看縱為跋析為析緄為袞便即儒字緄即

細字契即潔字蒼即嗟字虐即虐字

廣漢屬國候李翊碑

君諱翊字輔國洋柯大守曾孫謂者孫從事君之元子也其先出自箕子之苗奕世載德迄君之身為有貞恪謙約之操長柯芬芳成人之行通經綜緯兼究古雅初缺妣憂勤思盡情及繼母嗣承慈愛如前養則竭力克勤和顏名顯近遠論者稱焉郡守嘉貧禮請署督郵五官功曹守長朝有申甫之節居則曾閔之風延熹六年大守東萊李君懿其高絜順天報國察舉孝廉除郎中特募供養常託疾在家時益部掇穰為三府所選拜廣漢屬國候到官鷹揚威震以文得殊俗驩心揆理之效至建寧元年遭逆事君憂去官二交追孿詠其甘棠竭孝道以送終愷松柏而惟刑禮服既盡州郡爭取比群部諸郡深執瞻匪棲遲不就童冠相娛閨門雍雍夷史之高著臨究前軌當為國之幹臣缺是乃采石勒銘垂示後昆

赫赫惟忠屬國李候發迹邑屋聲冠方嶠貢德王室顯名遠疇衛侮鎮戎經為大儒孝憂釋紉公義卓休

終而有禮哀榮兼殊沒而含曜比列陵於嗟子魂靈  
烏呼悲夫

右廣漢屬國候李翊碑翊孝於奉親宦游之日鮮  
自即位纔為屬國候以靈帝熹平二年卒其文云  
幼有貞恪謙約之操長柯芬芳成人之行此兩句  
語停而意對上言幼下言長也或讀為長柯殊无  
義訓竊疑柯乃假借或歌或荷爾二交者歲再換  
也盤石匪者匪石不可轉也比列陵於者似倒用於  
陵以趁韻也碑以洋柯為祥柯復穰為擾攘刑為

字

玄儒先生婁壽碑

先生諱壽字元考南陽隆人也曾祖父攸春秋以大  
夫侍講至又官中郎將祖父大常博士徵朱討司馬  
親父安貧守賤不可榮以祿先生童孩多奇岐嶷有  
志拔髮傳業好學不戢不攸廉隅不飭小行溫然而  
恭慨然而義善與人交久而能敬榮且溺之耦耕甘  
山林之杳藹遁世無悶恬供淨漠渾瑒衡門下學上  
達有朋自遠冕紳莘莘朝夕講習樂以忘憂郡縣禮

請終不回顧高位厚祿固不動心麤絳大布之衣糲  
 糲蔬菜之食蓬戶茅宇捲樞斃牖樂天知命確乎其  
 不可拔也是以守道識真之<sub>士</sub>高尚其事鄉邨州  
 鄰<sub>缺</sub>親嚮懷年七十有八熹平三丰正月甲子不祿  
 國人乃相與論熹慶謚刻石作銘其詞曰  
 皇矣先生裒惠惟明優於春秋<sub>玄</sub>嚶有成知賤為賢  
 與世無爭渾夷衡門禮儀滋醇窮下不苟知我者天  
 身歿聲<sub>壑</sub>千載作珍<sub>絲</sub>之日月與金石存

右玄儒婁先生碑篆額今在光化軍婁君名壽以  
 靈帝熹平三丰卒國人相與論德<sub>處</sub>詞謚之曰元  
 儒先生猶陳寔之文範法真之元德也隸釋又有  
 忠惠父魯峻碑亦非謚於朝者群下私相謚非古  
 也未流之弊故更相標榜三君八顧之目紛然而  
 奇禍作矣碑首所篆婁字頗異圖經謂之翟先生  
 碑歐陽公問之王洙原<sub>姓</sub>以李陽冰篆文證之始  
 知元儒為婁姓西漢紀從官給事官司馬中者注  
 云宮之外門為司馬門蓋今之皇城門也東漢志  
 宮掖門凡七每門一司馬考之於碑元賓為蒼龍

司馬沈君為北屯司馬則主南宮門者劉曜為朱  
 爵司馬靈臺碑管遵為東明司馬則主北宮門者  
 婁君之祖為朱爵司馬而書作朱時者猶帝堯碑  
 以繼作繼校官碑以刻作爻省其文也又有兩脩  
 字皆作攸殆亦類此夫不脩廉隅不飭小行居今  
 則為過舉作文者廼以諱婁君之美何也書不云  
 乎不矜細行終累大德漢儒其何擇焉

嶺即愛字裏即懷字聲  
音大奚切漢音與而切

蕨即蕨字  
糲即糲字

婁壽碑陰

故五官掾婁缺伯三百故守長史掾夏光淵二百故  
 從事字缺張千故府掾子缺二百故五官掾陳季  
 高三百故府掾終百眾五百故督部終仲行千故從  
 事終紉嚮二百故督部終伯康千故督部范仲隱二  
 百故府掾婁伯隋五千故校官祭酒婁伯就五百故  
 府掾陳德賢四百故府掾終紉興二百下缺處亦夏  
 仲高二百處亦夏為高二百處亦婁元缺三百處亦  
 終亦梁二百處亦婁元缺三百處亦張彦缺百處亦  
 婁紉都二百故守葉令終文勝二百故督部陳瑋公

二百故習邾婁村生五百故府掾婁仲絢百故府掾

婁敬

字缺二

百處亦

缺

仲順二百處亦呂和孝二百

下缺

心處亦豐子能三百處亦婁宣卿二百處士夏伯明

四百處亦陳子讓二百處亦馮永南三百處亦鄧村

敬二百處亦婁缺量五百處亦婁勇碧五百故逆事

南郡許孔俊三百故逆事缺陽下缺故五官掾缺都

尹紂缺五百故習邾字缺二仲儀二百故習邾字缺四百

故習邾下缺處亦鄧超下缺處亦缺郁下缺處亦友趙文弘

三百處亦汝南下缺處士字缺四百處亦下缺處士字缺三二

百處亦字缺三二百處亦字缺二君缺百下缺處亦字缺二

舉缺百處亦字缺二明百處士字缺三二百

右婁壽碑陰可見者五十四人漫滅者四人其稱

南郡汝南者二人餘蓋南陽人也此碑在光化而

歐趙不云有陰初若可疑蓋漢人立碑多有陰注

注惟拓者畧而棄之好古之士身在它壤无自而

知也婁先生南陽人而此有葉令又其間姓婁之

可見者十有二人以前碑合之大小与中穿適相

等然后知為婁君碑陰決也諸人所書者皆其字



繁陽令楊君碑

上缺二  
十九字 弟富波君之少子也生姿令詰長履忠孝立

仁行道實體彌隆立授尚書為國師輔君述而好古

少傳祖業兼苞載藉靡不周覽英儒仰則景附其高

應禮州郡仍奉貢覲窻類假爾僉服歸稱大駕省方

為郡功曹召見專對宮庭帝心擢拜郎中除右都候

閑整宮衛闡闊肅焉遷繁陽令崇德尚儉召興政化

和毓威恩已移風俗樹無姦回宿不命閤教學吏士

精橫侍者常百餘人咸訓典誨帥導召缺鄰遠歸懷

爰集疆場州郡嘉異並上絕速大司農劉佑殖復表

剡將有命授會赫父大尉公薨委榮輕舉投蔽如遺

吏民攀轅老弱輒輪追慕跋涉蓋二千餘人續留守

闕上書歷年運穀萬斛助官振貧已乞還君自非慈

愛孰能若茲有司昏昧真能識察君契已召休不愉

褊求趨功顯弗有讓入丐林處靖衡門童冠如雲故

乃名問俞高休聲益著三府競辟入宰朝常登茂

御復紹祖烈旻穹不惠年五十一熹平三年三月已

丑卒國共其良民望永絕京夏凡百靡不愍悼故吏

臣隸叫天訴墜嗟乎何及哀矣懼傷感惟既歿德之  
隆者莫盛不朽適共追鏞厥勲鐫石示後俾延億軫  
猨不翳隧其辭曰

惟岳降靈於我明君膺天鐘度誕德孔醇溫恭博敏  
貞皦藎倫帝嘉忠懿乃詔寵光俾候禁宮夙夜是勤  
命出化宰清風穆神委蕤成勲赴義長逝民思遺愛  
奔告于丞頑不審真莫肯慰揚譯泥樂志緝紳仰從  
二公並招當為國暉壽不缺二早葉隕林勿造潺湲

士女愴悲顛百其身皇不我予銘頌玄石

下缺

右漢故繁陽令楊君之碑銘篆額逸其名楊君者  
太尉震之孫富波相牧之子太尉秉之猶子沛相  
統之親昆弟高陽令著之從昆弟也自郎中除右  
都候遷繁陽令以靈帝熹平三年卒漢公卿二千  
石父母之喪不得奔赴荀爽對策詳矣度尚及楊  
君皆以碁喪去官可見漢代位高而創鉅者反奪  
情廢禮也守令有美政百姓愛之如父母攀車載  
鐙不忍其去者固有之楊君之行老弱跋涉其衆  
至於二千餘人守闕上書其久至於歷年繁陽在

河之北去漢京七百餘里運穀助官乞還令君其  
多至於万斛此事則未之前聞史氏因羅脫略至  
后世不得其名惜哉今之俗或投匭以借苗或列  
陳於外臺盖有欺而不寔者此之輸粟万斛則其  
出於誠心也作碑者再三歎惋斯事其文云有司  
昏昧莫能識察說文生而其詩又云頎不審真莫  
肯慰揚嗚呼政令委靡淋慝无所甄別在位者憤  
憤如聒瞽素立之間不特此一事也碑以澁爾作  
遐邇植作特  
獸作紘俞作愈軫作齡言即克字通即迹字契即  
潔字暖即退字墜即地字適即乃字墜即墜字

繁陽令碑陰

故功曹史下故功曹史成功豫伯舉故功曹史王月

伯師故功曹史字二元祐故功曹史王俊赫嚴處士

功曹丞休季盛處士功曹申璆芳厚處士功曹公乘

儀元表處士功曹丞缺伯尹故民張掖李助故民王

詳子琦故民張順顯臺故民張商伯璋故功曹史張

叡孔明故功曹史王備仲載故功曹史丞升志賢故

功曹史魏希立興故功曹史董尚叔海故功曹史成

功字缺二珪處士功曹缺譽顯南處士功曹程琦赫缺

隸釋 卷第九 一五

冢主功曹馮缺子珪故功曹史下缺故功曹史魏缺三

故功曹史樊曜子珪故功曹史程缺伯盛故功曹史

王祊伯載故民朗陵長沮缺子輔故吏成功缺弟厚

故主簿張合元孝故功曹史董鼎元政故功曹史良

堅子石故吏杜茂產才故吏韓冰君政故功曹史馮

億仲載故吏馮玓敬祖故吏馮烈元軌故吏缺義仲

盛故吏王宮子行故功曹史劉璜子雲故功曹史樊

充國榮故功曹史張琰子瑤故吏勝屠琰季嚴靈主

功曹缺尹仲缺故民馮缺弟缺故民富弘缺祖故吏

申俊尉遂故吏張遂季祐故吏尹貴仲持故吏張立

仲德故吏李素元緇故吏張時子節故吏魯缺文長

故吏馮种元妙故門下史魏昱元夏故吏申貞子明

故吏申根尉德故吏申巨妙才故吏勝屠曜子節故

吏成功宜元助故吏常曜少賢故吏申澈在政故吏

申甫伯舉故吏申弘仲缺故吏申彤缺故吏王廉

仲讓故吏申齋仲訓故吏申真仲真故民段肅子恭

故民樊興子上故民吳方季遠至孝沮嬰君威故吏

宋連建興故吏張讚弟議故吏張烈仲孝故吏張純

子淋故民馮嘉社故民侯臨伯弘故民受進仲進

故吏段寅季馮故吏邵騰文光故吏程規村表故吏

丞嚴伯俊故吏許貞元表故吏關敏缺安故民周演

少平故吏申曾伯德故吏武無季整故字缺三君缺處

主逮瓌德瑋處主張進子明處主范譚子亮故民趙

表元顯故民隄副劣豪故民隄惜子才故民劉影顯

方故民張運季方故吏程勅伯嚴故吏丞裒景博故

吏程周仲密故吏段術元藝故吏馬盛盛明故吏成

功連建賢處主黃受子敬故吏鞠像伯嚴故吏段官

元顯故民杜忠文政故民李冰元固故民王叔子助

故民公乘柱漢舉故民字缺二伯觀故民段兼元顯故

吏薛誼升舉故吏焦武文伯故民薛恬仲突故民張

隗子皇故吏駱盛進興故吏梁平子衡故民周晉子

助故吏程瑋伯珪故民李兼元高故民武晉伯讓故

民丞僉子嚴故民丞貞伯亮故民楊方子遠故民丞

祥伯慎故門下史楊直子璜故門下佐公孫壽元壽

故門下佐路熾子盛故門下佐杜良伯信故門下佐

鄧澄元景故小史缺魯子衛故民缺下典仕者馬子明

右繁陽令碑陰凡百三十有四人，不書郡邑，皆繁陽之人也。嘗仕於異邦，惟一朗陵長亦稱故民者。桑梓之敬也。帝紀安帝、威宗、獻帝皆嘗詔公卿，國舉至孝之士，列傳荀爽、趙咨、崔寔皆嘗為九卿。本郡所舉，此有至孝沮夔，蓋是此科。歐公論韓勅云：前世見於史傳，未有名勅者。此碑又有程勅，則漢代不獨一韓勅也。范史及韓碑所用勅字甚多，是時蓋上下通用，非若后世有鸞臺鳳閣之拘，雖勅本音徠，去聲然韓字赫節程字伯嚴詳其義，皆當讀與飭同，非勞徠之徠也。

### 堂邑令費鳳碑

惟熹平六年歲在己丑，大流无射之月，堂邑令費君寢疾卒。嗚哀哉！於是夫人元弟故字三守卜，瘞追而誄之，其辭曰：

君體履柔和，溫其如玉。循孝友，罕閨闕，執忠蹇於王室。立迹州郡，仕更右職，舉直措枉，彊禦缺。夙貢孝三

署，勛譽有則，出宰近甸，民懷厥德。色斯輕翔，翻然高

絜。王人述職，分缺班爵台字二。招助鼎調，物退已進。

弟不營榮祿栖遲歷稔項領滯畜鄣土不庭黔民化

周命君字缺二政化缺行從善遷恩三基字缺致道有恥

且徂牧守揜功轉左堂邑垂拱不言而民帥伏三時

之間卒以缺洽旻天不弔命也早歿春秋六十六黎

儀瘁傷泣涕連漉豈愛我躬命不可贖臨終迷字缺二

內族祖業良田畝直一金推子弟息辭位讓財行義

高邵卓不可及名實相副有始有卒字缺二人善癩子

切惻

故吏故鄣施業字世堅義民堂邑儼忠忠率十有一

慈考早隕喪以備於禮制蓬首而字缺三壞而消辟地

字缺三行母氏以字缺四而悼傷服缺菲五五縗杖其未

除廣陵之郡守東海字缺二間寢疾而終卒凡百誓悲

字缺四爾化以屋之餘慶隨缺棺柩車良以而送之祖

載已畢訖還返其故鄉君缺其節操悲其有字缺二每

以字缺五其老親忠缺君厚德念君之仁恩聞君之隕

隧剝斷而辛酸復截縗麻杖缺君之柩相扶號而竭

缺泣涕其字缺八甫於岐山字缺二其送之迷君而到閭

上書而慶字薦君盡禽息之字缺三君之字缺三君字缺三七缺

字於山缺列種嘉奇樹特為之潤鮮忠業與缺二猶

君思使然雖君有大化孰能爾者難子喪之終缺三

思其顏而缺死可贖不愛缺二人今君缺於彼卓譎

而超倫吏氏慕高蹤來者其如雨偉名建瞻石垂示

於缺二門下功曹徐侃字元節主簿呂嘉字元缺主

史陳信字聖舉主記史缺忠字建臺門下游激缺二

字射騰門下賊曹缺二字聖臺門下史曹助字仲臺

缺吏呂常字孝讓逆掾位徐超字元貴

右漢故堂邑令費君之碑篆額今在湖州費君名

鳳自郎中嘗宰新平故鄣堂邑三縣以靈帝熹平

六年卒其妻之弟卜君追誄之乃作此碑碑中无

名字見之石君詩碑云祖業良田畝直一金推予

弟息此固可嘉至於退已進弟不營榮祿則又人

之所難其云行義高邈卓不可及名實相副有始

有卒信哉此云勅儀瘁傷孔宙碑亦云迺綏二縣

勅儀以康勅則黎老之稱儀則讀如旌倪之倪也

誄之后載施業感忠二人竭力送終之事業者鄣

土之故吏忠者堂邑之義民皆費君之舊部也其



辭皆五言石磨滅文不相屬初叙戚忠早喪慈考  
 母服未除有廣陵之沒聞訃來奔祖載還鄉及泉  
 隧有期復截經杖扶號柩棺列種奇木建立昭石  
 此其大略也菲五五者居喪菲食二十五日也岐  
 山者其地名其后有門下功曹題名者九人  
碑以  
執格于大荒有恥  
且格皆不从未  
甄為

費鳳別碑

君喞家中孫曰陵石勛字子才載馳載驅來奔于壘  
 庭肝確意悲感切傷心瞻波碑誄懷之好音司馬慕  
 藺相南容復白珪仰之以彌高鑽之而彌堅不堪哀  
 且思叙詩之一篇庶幾昔子夏起夫子之所言其辭

曰

君諱鳳字伯蕭梁相之元子九江大守之長兄也世  
 德龍爵銀雙相亞恢遐祖之鴻軌拓前代之休蹤邈  
 逸越而難繼非羣愚之所頌仁義本於心慈孝著於  
 性言不失英術行不越矩度清潔暎爾溼而不滓恤  
 憂矜厄施而不記由近及遠靡不覆載故能闡令名  
 而雲騰揚盛聲而風布踐郡右職三貢獻計辟州式

部忠以衛上漢安二丰吳郡大守東海郭君以君有  
 透蛇之節自公之操丰世一舉孝廉拜郎中除陳國  
 新平長神化風靡惠以流下靜而為治匪煩匪擾乾  
 乾日稷矜此黔首功成事就色斯高舉宰司委職位  
 思賢以自輔立懿守謙虛白駒以逐隄丹陽有越寇  
 漫字缺四命君討理之試守故鄣長盖危亂有不讓又  
 畏此之圃罔字缺二而缺牧爰止其師旅鵠若飛鷹鷄  
 錦若夫墟虛彊者綏以德弱者以仁撫簡在上帝心  
 功訓而特紀輔輿宰堂色基月而致道視字缺四遂據

丐卿尹中表之恩情兄弟與甥甥鳩与女蘿性樂松  
 之茂好聞君顯令名舉宗為歡喜不悟奄忽終歲形  
 而匿景耕夫釋耒耜桑婦投鉤言道阻而且長望遠  
 淚如雨英馬循大路塞裳而涉洧悠悠歌黍離思黃  
 鳥集丐楚惴惴之臨內選君於厚土噬噬悲且傷每  
 食缺不絕夫人薦舊好不以存止改文平感渭陽悽  
 愴益以甚諸姑咸辟踊爰及君伯姊孝孫字元宰生  
 不識考妣追惟厥祖恩蓬首斬纓杖世所不能為流  
 稱於鄉黨見吾若君存剝裂而不已壹別會無期相


去三千里絕翰永忼慨泣下不可止



右費鳳別碑刻舅家中孫甘陵石勛詩一篇其辭  
云瞻彼碑誄懷之好音謂卜君所作也其詩先叙  
世系歷官繼以韻語六十句其三句六言餘皆五  
言石君蓋鳳之中表也所述兄弟甥舅諸姑伯姊  
夫人孝孫悲傷哀痛之意宛轉淒切費氏父子三  
碑合並列於吳興校官之壁不知者指此為碑陰  
趙氏亦有斯悞其中溼而不滓盖用涅而不緇  
若飛鷹鷂鏃若夫虓虎盖用駘彼飛隼闕如虓虎

其字有不同若非假借則是傳授異也

碑以確為  
摧以遷為

幾以透地為委蛇以遼帶為  
逐以基為碁以壁為辟





書

卷第九

二十三

